

**ՀԱՅ ԱՌԱՔԵԼԱԿԱՆ ՍՈՒՐԲ ԵԿԵՂԵՑՈՒ
ՔՐԻՍՏՈՆԵԱԿԱՆ ԴԱՍՏԻԱՐԱԿՈՒԹՅԱՆ ԵՎ
ՔԱՐՈՉՉՈՒԹՅԱՆ ԿԵՆՏՐՈՆԻ ԲԱՑՄԱՆ
ԱՐԱՐՈՂՈՒԹՅՈՒՆԸ Ս. ԳԱՅԱՆԵ ՎԱՆՔՈՒՄ**

ԵԿԸՅՔ ԸՌ ԻՍ...

*«Եկէ՛ք ինձ մօտ, բոլոր յոգնածներդ
ու բռնաւորուածներդ, եւ ես ձեզ
կը հանգստացնեմ»:
(Մատթ. ԺԲ 28)*

Նոյեմբերի 22-ին անսովոր աշխուժությամբ էր տիրում Ա. Գայանե եկեղեցու բակում: Հոգևոր և պետական այրերի, ուսուցիչների ու հավատացյալների հոծ թաղանթներ էր հավաքվել Քրիստոնեական Դաստիարակության և Քարոզչության Կենտրոնի նոր մասնաշենքի առջև՝ մասնակցելու հոգևոր-կրթական այդ հաստատության բացման հանդիսությանը:

Բացման արարողությունը նախագահում էր Ն. Ս. Օ. Տ. Տ. Գարեգին Ա Ամենայն Հայոց Կաթողիկոսը: Ներկա էին Առաջնորդ Սրբազանները, Մայր Աթոռի միաբանները, Կրոնի գործերի վարչության նախագահ Լ. Սուլյանը, Հայաստանի Ազգային Ժողովի գիտության և կրթության, մշակույթի, երիտասարդության և սպորտի հարցերով մշտական հանձնաժողովի նախագահ Ռ. Պապույանը, Արմավիրի մարզպան Ս. Հովհաննիսյանը, Էջմիածնի ճաղատագետ Ե. Աղվանյանը և ուրիշ պաշտոնական անձինք:

Կենտրոնի բացման արարողությանը մասնակցում էին տարբեր շրջաններից եկած կրոնի ուսուցիչներ:

Ի վերջո, իր գործունեության հանգրվանը գտավ Քրիստոնեական Դաստիարակության և Քարոզչության Կենտրոնը (ՔԴՔԿ), որն սկսել էր գործել դեռևս 1991 թվականից, երջանկահիշատակ Վազգեն Ա Կաթողիկոսի օրոք:

Կենտրոնի առաջին քայլը եղավ կրոնի ուսուցիչների պատրաստումը՝ ուսուցանելով Աստվածաբանություն, Տոնագիտություն, Հայ եկեղեցու պատմություն և այլ առարկաներ: Երջանկահիշատակ Վազգեն Ա Կաթողիկոսից հայրապետական օրհնանք ստանալով՝ նրանք գործի անցան կիրակնօրյա դպրոցներում և այսօր էլ իրենց առաջնությունը շարունակում են մեր նորընտիր Գարեգին Ա Հայրապետի հովանավորությամբ:

Կենտրոնի գործունեության անդրանիկ պտուղները եղան կիրակնօրյա դպրոցների բացումը: Թող չափազանցություն չքվա, եթե սկզբի համար (70 տարվա լուսությունից հետո) իրական հրաշք համարենք կիրակնօրյա վարժարաններում կազմակերպված հանդեսները նվիրված Հիսուսի Մենդյանն ու Հարությանը (Ճաև Տերունի մյուս տոներին), հրապարակավ շարականների հնչելը, բարձրածայց աղոթքը: Ամեն մի հանդես իսկական տոնի էր վերածվում: Անսպասելի էր ձեռքերի հոսքը դեպի հոգևոր վարժարան:

ՔԴՔԿ-ի անսպասելի ձեռնարկումներից մեկը եղավ դասավանդման ծրագրերի պատրաստումը՝ փորձառու ուսուցիչների կողմից: Իսկ դրանց հաջորդեց դասագրքերի հրատարակումը:

Կենտրոնի գործունեությունը գնալով ավելի նկատելի դարձավ. էջմիածնում և Երևանում առաջին հոգևոր օջախները հիմնելուց հետո նա համարձակորեն իր գործը շարունակեց Արմավիրի, Արտաշատի, Ապարանի և Մասիսի շրջաններում՝ բնդգրկելով ըստ էության ուսուցիչների:



Կենտրոնը, որ դեռևս աշխատատեղի էլ չունի, այստեղ-այնտեղ հանգրվանելով, նախանձախնդիր էր իր աշխատանքին, Ավետարանի լույսն ու ջերմությունը տարածում էր Հայոց աշխարհի տարրեր անկյունները: Իսկ այդ լույսն իրենց հոգիներում պահած՝ սերնդն սերունդ են փոխանցում մանուկները: Դրա համար կենտրոնը, գիտակցելով գործի կարևորությունը, ամենուրեք՝ այլ շրջաններում ևս հիմնեց կիրակնօրյա դպրոցներ, օրանդ մանուկների բերանից աղոթք է հնչում առ Աստված, և հնչում ախորժալուր շարականը:

ՔԴՔԿ-ն շարունակում է գրադվել ուսուցիչների պատրաստմամբ՝ մոտ անպագայում հանրակրթական դպրոցներում կրոն դասավանդելու նպատակով:

Կենտրոնի տնօրեն Վազգեն վրդ. Միրզախանյանը, որը հանդես եկավ բացման խոսքով, պատմական պահ համարեց մեր օրերում նմանատիպ հաստատության գոյությունը: Մեծ է լինելու կենտրոնի դերը՝ Ավետարանի խոսքը ժողովրդին հասցնելու և մանուկների հոգևոր պահանջները գոհացնելու գործում: Նա լիա-
հույս է, որ կենտրոնը կծառայի նկեղեցու պայծառացման և Աստու փառքի համար:

Տնօրենն իր երախտագիտության խոսքն ուղղեց Նորին Սրբություն Գարեգին Ա Հայրապետին՝ մեծ աջակցության, հայրական հոգատարության և նոր մասնաշենքի վերակառուցման բարեիրարության համար. Մայր Աթոռի վարչա-կառավարչությանը

և պաշտոնեությունը, «էլիտա-ակցիոներ» շինարարական կազմակերպությանը, Հայ Օգնության ֆունդին, Երկրագործական ինստիտուտի տնօրինությանը, ՔԴՔՎ-ի աշխատակազմին, քոլորին, ովքեր նպաստել են Կենտրոնի կայացմանը:

Հանդիսությանն իր հայրապետական օրհնանքն ու պատգամը բերեց Ամենայն Հայոց Կաթողիկոսը: Նա հայտնեց իր գոհունակությունը, որ էջմիածնում ստեղծվում է նոր հնարավորություն ֆարոզչական աշխատանքի համար՝ հուսալով, որ շենքի բացումից նետ Կենտրոնի գործունեությունը ավելի կնոխսան:

«Կրոնը կրոն կդառնա, ապրում և կյանք կդառնա, երբ ուսուցվի ժողովրդին և յուրացվի ժողովրդի կողմից՝ մանուկ հասակից մինչև խոր ծերությունը:

Ես անհունորեն երջանիկ եմ, որ Մայր Աթոռ Ս. Էջմիածինը, դեռևս երջանկա-հիշատակ իմ նախորդի՝ Վազգեն Ա Կաթողիկոսի կողմից նախաձեռնված, սկզբնավորված և հաստատված Քրիստոնեական Դաստիարակության և Քարոզչության կենտրոնին տալիս է նոր թափ, նոր ուժ և ուղղություն ու լայնատարած գործունեության հնարավորություն:

Եթե մեր ժողովրդի կյանքը պիտի փոխվի, ապա այն հոգևոր բնագավառում պիտի փոխվի, իսկ ազգի բարոյական ձկարագիրը երևում է հոգևոր արժեքների գնահատման մեջ»:

Վեհափառ Հայրապետը խոսքն ուղղեց «սիրասուն աշակերտներին», որոնց երգած ֆաղցրալուր շարականների ուղեկցությամբ էր ընթանում՝ ղջ հանդիսությունը: Բոլոր ներկաները հուզված էին՝ մանուկների շուրթերից լսելով «Ուր Կի լիրը», «Հրաշափառը», «Էջմիածինն ի Հօրէն», «Եկեղեցին հայկական», «Հայր մերը», «Մաղթերգը», ինչպես նաև ազգային-հայրենասիրական երգեր:

«Նրանց ձայնը ոչ միայն երկինք հասավ, այլև մեր նահատակների ոսկորներին», ասաց Հայրապետը:

Հայոց Հովվապետը չմոռացավ նաև ծՆողներին, որոնց հորդորեց. «Կիսակի օրը մանուկն ու ծնողը պիտի լեցնեն Եկեղեցին՝ շնորհիվ քրիստոնեական դաստիարակության»: Շարունակելով խոսքը, Վեհափառ Հայրապետն ասաց. «Իմ գնահատանքի խոսքն եմ ուղղում մեր պետության ներկայացուցիչներին, որոնք ֆաջալերում են մեր ազգային Եկեղեցու կրոնական-դաստիարակչական առաքելությունը, որովհետև հավատում եմ, թե իրենք էլ հավատում են, որ առանց բարոյական և հոգևոր արժեքների մի ազգ չի կարող երկար դիմանալ, և դրա մեջ է մեր պետության անկախությունը մեր Եկեղեցուց: Մենք էլ սպասում ենք, որ մեր պետության ներկայացուցիչները գորավիզ կանգնեն այս սուրբ գործին, ազգակերտ և առողջ գործին հոգևոր և բարոյական հիմքերի վրա»:

Արարողության ավարտին Վեհափառը, գնահատանքի խոսք ուղղելով նաև վարիչ-տնօրենին, զգնական Հայր Զարեհին և մյուս աշխատակիցներին, հանդիսավոր կերպով բացեց Քրիստոնեական Դաստիարակության և Քարոզչության կենտրոնի դռները:

Սուսաննա Մնոյան